



Piše: Edina Mizić
izvršni urednik InStore magazina

Za svakoga ponešto

Ne čudi činjenica da mi u InStore magazinu nižemo uspješne priče...priče koje imaju jasan cilj i svrhu... onog dana kada pobijedite svoje strahove, koji jedino stoje između vas i vaših snova počinjete nizati medalje...

Naši strahovi nisu bili klasični, više su to borbe s nama samima da sve ono što radimo i stvaramo, nađe put do vas, a kada utabate staze, sve ostalo je logičan slijed.

Godina je počela baš onako kako smo i zamislili, iza nas, za prvih pet mjeseci su 4 velike konferencije, šansa za poslovno umrežavanje i razmjenju iskustava, s vrsnim stručnjacima, predavačima iz najutjecajnijih kompanija zemlje i regiona, i preko

1500 učesnika, kojima su se ponudile ideje i odgovori na izazove s kojima se njihovo poslovanja suočava sada i u vremenu koje dolazi...

19.5.2016. održan je treći Marketing Summit u Beogradu, šest dana ranije drugi FMCG Summit u Skoplju, Sarajevo je svoju priču ispisalo 19. aprila na drugom FMCG Summitu i 24. marta na prvoj Business Leadership konferenciji...

Godine iza nas ostavile su pečat na mnoge kompanije i bilo je nerealno očekivati da se rast desi sam po sebi... treba se educirati, inovirati, i biti u stalnoj interakciji, kako trendovi i noviteti ne bi prošli pored vas...

Naravno pred nama je dug put i još puno posla... Mi ne odmaramo, u našoj radionici se spremaju novi projekti... imat ćete priliku biti dio njih, a do tada ostanite uz novi broj, i naravno najnovije vijesti na www.instore.ba